

# УДАРНИК

ВКП(б)-лэн М-Пурга Райкомез-  
лэн но Райнсполкомлэн  
органы  
—(АДРЕС: М-Пурга УАССР)—

## Сергей Миронович Киров

Вить ар талэсь азьло — 1 декабре 1934 арын 4 час но 30 минут жыт Смольнойн злодейской выстрелэн вемын вал ВКП(б) ЦК-лэн секретарез, Ленинградской партийной организацилэн секретарез Киров.

С. М. Киров советской страна-лэн яратон пиосыз пöльсь одйгеныз вал. Большевистской партилэн руководителёсыз пöльсь одйгез, великой Сталинлэн соратникез но другез. Киров цариз дыр'я большевистской подпольялэн организатореныз, гражданской война-лэн полководеценыз но гражданской война дугдэм бере социалистической строительстволэн крупнейшой деятеленыз вал. С. М. Киров великой сталинской эпохалэн большевизмэн прекрасной образецез вал. Кытчы гинэ сое партия ыстылиз, вылын возиз со солэсь боевой знамязэ, Маркс-лэн, Энгельс-лэн, Ленин-лэн, Сталин-лэн великой идеязылэн победяз несгибаемой, полной уверенностен азьло мынйз.

Партийной с'езд'эслэн трибуна-сыенызы Киров эш беспощадно громить кариз троцкистско-бухаринской предательёсты. Кировлэн могучой ораторской талантэз парти-лэн, рабочий класслэн ужзы понна служить кариз.

С. М. Киров партиец'ёсты революционной, большевистской, ленинской теориен воспитывать каронн бадзым значение сётылиз. Киров чем дыр'я партийной организациосты предупредить карыл-из, что каждой виль нуналэ соос азын вылесь но сложноез задаче-ос сыло. Чтобы со задачеосты шонер быдэсяны понна, больше-вик'ёслы революционной теориез мур изучать кароно, соин зеч овладевать кароно.

„Асьмелэн коммунистической партимылэн историез,— шуиз Киров аслаз доклады январе 1932 арын ВКП(б)-лэн IV-тй Ленинградской областной но городской объединенной конференциязы,— победоносной пролетарской революцилэн но социалистической строительстволэн историеныз луэ. Асьмелэн партимылэн историезлэн котькуд страницаез, котькуд строкаез—со просто событиослэн гинэ хрониказы өвдл, со бадзым мур наука, кудзэ тодытэк уг луы лэстыны пролетарской революциез“.

Сергей Миронович Сталин но Жданов эш'ёсын огазын участвовать кариз СССР-лэн историезлэн но та виль историялэн конспектазы замечанийос гожтонын. Со замечанийос асьмелэн странамылэсь историоз, СССР-лэсь историоз но виль историез изучать каронн шонертисен лунызы. Со вал „СССР-ын гражданской война-лэн историезлэн“ Главной редакциезлэн члененыз.

Аслаз ваньмынтэез шоры учкытэк, Сергей Миронович трос лыдзылиз, умой тодылиз классической но современной литератураез. Со учкылиз литературазы но искусствосы вильёсез, наукалэсь но техникалэсь азинкем'ёсез, яраты-

лиз театрыез, музыкаез но трос лэстыиз Ленинградн искусстволы будон'ёс.

Партилэсь, социализмэсь но калыклэсь враг'ёсез громить карыса, Киров сплачивать кариз партийной но непартийной ленинградской большевик'ёсты партилэн сталинской центральной комитетэз котыре, Сталин котыре.

Сергей Миронович мур яратонэн, безграничной преданностен проникнуть каремын вал трудящойёслэн вождызылы, учительзылы но другызы Сталин эшлы Киров аслэстыиз Сталин эшлы сыде мур яратонзэ, беспределной преданностез вань ленинградской большевик'ёслы, Ленинградэсь вань трудящойёслы передать кариз.

Мур, беспредельной вал Кировлэн преданностез Ленинлэн—Сталинлэн ужзы но мировой пролетарской революция понна.

Сергей Миронович калыклэн яратонныз вал. Кытын гинэ солэн юн фигурасз адскылиз, кытын гинэ солэн шуккиськыс куараез кылылыськыс, со аз котыраз кыскылиз сюр'ёсын, лас сюр'ёсын трудящойёсты, соосты организовывать карылэз асьмелэн странамылэн азыланьсы победаосыз понна нюр'ясысны.

Убийцаослэн, предательёслэн бандазы С. М. Кировез соин виизы, что со великой Сталинлэн блестяшой соратник'ёсыз пöльсь одйгеныз вал, крупнейшой политической но государственной деятелен вал. Соос Кировез соин виизы, что со вискарятэк громить карылэз троцкистско-зисьевской но бухаринской выродок'ёсты. Соос соин виизы Кировез, что со аслэстыиз родиназэ беззаветно яратылэз, солы пумозяз преданной вал, соин, что Киров, Советской государстволэн соосын вылэм крупнейшой деятельёсыз Куйбышев, Менжинский но пролетариатлэн великой писателез Максим Горький эш'ёс кад'ик, асьмелэн странамы коммунизмлэн победаез понна подлинной нюр'ясыкисен вал.

Большевистской партилы но асьмелэн вождьмылы Сталин эшлы Кировлэн беззаветной преданностеныз солэн психорона нунал'ёсыз советской калыклэн единствоезлэн грандиозной демонстрацияезлы пöрмиз.

С. М. Кировлэсь нимзэ великой Советской Союзлэн калык'ёсыз ноку но уз вунэтэ.

„Быдэсак партия, вань рабочий класс но асьмелэн Советской Союзсы вань калык'ёс Киров эш сярэсь памятез, асьсэлэсь синзэ кад'и, свято лыд'ялозы, возёзы, и со, асьмелэн калыкмы, Киров эшлы великой памятник пуктоз,— шуиз ВКП(б) ЦК-лэн секретарез Жданов эш ленинградской партийной организацилэн активаз.

...Ми, партия но рабочий класс, социализмэн уж'ёсаз, коммунизмлэн победной шествияз Сергей Мироновичлы памятник пуктом“.

## Тылээн линия вылаз

1919 ар. Владимирской улланьын Старицы районн белойёс кужмо наступлениосы мынйзы. Мынам часте Волга доры воштэмын вал.



СУРЕД ВЫЛЫН: С. М. Киров (1925 ар).

Боец'ёс радтэк бызылызы Волга шурлэн берег дуртыз, имуществоосез, оружиосез Волгае куязы но мукет палаз потыны тыршыса, Волгалэн зол кошкыса ёраз уязы. Белойёс милям пумитамы ыбылызы. Паника жуткис.

Соку ик мон адзи, что Черной Яр палась кык бадзымез пурьсы буям баркас'ёс лыкто. Ми решить каримы, что со белойёслэн бронированной машинаосы. Паника еше юн жуткис. Судноос матэ но матэ вуо. Судноослэсь нимзэс лыдзиськом: „Коммунистка“, „Товарищ Маркин“.

Одйг минутлы но жегатскытэк, баркас'ёс противник'ёслы пумит орудийосы ыбылыны куткисы. Баркасысь берег дуре шоролыко мугор'ем аямы васыкыс, ымнырыз бреть карымтэ. Фигураез юн, утляляськемез серьёзной, решительной.

— Кин-о участоклэн начальникез?

— Мон,— шуиско, мон лыктэм мурты.

— Мон 11-тй армилэн Реввоенсоветэзлэн членез, Киров, тиледлы юрттыны лыкты.

Киров.. Киров... озы... озы... мон кылылй.

Мон шум-потэменым нырысь помыр но вераны ой быгаты ни. Пуляос шулало, снаряд'ёс гудыр'яло. Мон дыртыса но куддыр сураськыса положениез обрисовать кариско, нош со внимательно кылез но аслаз йыраз план концентрировать каре, шöдске.

Мироныч монэ пельпумтым кутыз но шуиз:

— Валамон.. Мыном, мынам дуное, мон боец'ёсын вераско.

— Эш'ёс, боец'ёс, ти славноесь, чошатыны луонтэм геройёс. Ти жадида, курадзида но ноку но позволять уд карелэ, чтобы тилэд курадзем мугорды мед кылдоз белой шакал'ёслы растерзать карыны. Враг кужмо но кышкась. Тиледлы кулэ луоз на эшшо одйг решительной наступлени лэстыны. Соку победа асьме бордын луоз. Тиледлы подкрепление лыктэ, кöя ке час ортыца тиледыз воштозы. Нош позицияез враглы сётон—со кулонлы кельше. Мон ти пöлын луиско но чалякгес юрттэт басыны ужрад'ёс кудо.

Миронычлэн куараез кужмо, уверенно шуккисыкыс. Боец'ёс кесяськызы, пычал'ёсы борды куткисы. Асьме артиллерилэн тылыз зыбемен враг чалмытскис.

— Тини асьмелэн победамилэн результатэзлэн нырысетй вәмыш'ёсыз. Белойёс ыбылэмь дугдызы. Эш'ёс, боец'ёс, революция понна, победа понна!

Мироныч охрипшой куараен вераске ни вал, ми белойёс вылэ нюртыны кутским.

Враг олокöня нунал чоже одйг интын кужмо возисыкыс. Красной боец'ёс курадзиы но котыкытысь соос адзызы Кировлэсь уверенной коренастой фигураез.

Со спокойно распоряжаться карисыкыс.

Со братской шунтыккен учкылиз боец'ёс шоры.

Со туж йыркурен нуиз враг вылэ. Белобандит'ёс паникаен пегзизы. Красной Армиелэн командир'ёсыз но боец'ёсыз кема вераллязы:

— Киров ке ой луысал, белойёсты Астрахань дорын ой вормысалмы. Ну и адями, ну и Киров!

**Б.Атаманов**

## Адами понна сюлмазькон

Радишевлэн нимыныз нимам заводлэн бадзым трубаез артэ сылысь коркалэсь туж улын пуктэмын вал. Трубаысь чын рабочийёслэн квартирасазы сюрлыз.

Одйг пол Киров выступать кариз Василеостровской районлэн театраз. Та труба сярэсь рабочий солы записка гожтыз: Аслаз выступленияз та запискалы ответить ёз кары. Куже вал перерыв, мынйз парткомлэн секретарез доры но юаз, кин тае гожтыз. Соиз вераз рабо-

чийлэсь фамилиязэ. Киров со доры мынйз но вераз:

— Гожты адрестэ, чукна мон лыкто.

И действительно лыктыз.

Мынйзы Радишевлэн нимыныз нимам заводлэн директорез доры. Соиз нырысь ненокудланьно. Но Киров сёгыз срок—кык толэзылы. И соку ик куткисызы виль труба лэстыны. Коньдон талы сё тызы, и труба сроказ быдэстэмын вал. Нош созэ куштызы.

**М. Вязанкина.**

### ГОЛОСОВАТЬ КАРОНЛЭН ЦОРАДОКЕЗ

24 декабре РСФСР-ысь, Украина-ысь, Белорусиысь, Грузиысь, Армениясь, Казахстанысь но Киргизиысь трудяшоеслэн депутат'ёссылэн интыысь Совет'ёсазы быр'ён'ёс ортчытозы. 29 декабре—Азербайджанысь, Узбекистанысь но Таджикистанысь трудяшоеслэн депутат'ёсты быр'ёзы.

Голосовать карны куткемлэс азыло участковой избирательной комиссилэн председателез, комиссилэн член'ёсыз азын, избирательной ящик'ёсты эскере но соосты пытса. Тупатэм формая лэстэм список'ёсты но эскере. Собере избирательной участоклэн помещениез 6 часын чулна усьтйське но голос сёт'ян кутске. Уйин 12 часэч интыысь дырен бюллетенез кутылэмьсь дугдо.

Котыкуд избиратель ас понназ голосовать каре. Участковой избирательной комиссилэн секретарезлы яке членэзлы паспортэс яке кин луэмзэс возматйсь удостоверенизэс сёт'ыса, список'я избиратель'ёсты эскерем но пус лэстэм бере, избиратель бюллетень бастэ.

„Голосовать карны праволы удостоверения“ голдосовать карись избиратель'ёс нимчэстыз списокэ пыртэмьн луо. Соос избирательной бюллетень „голосовать карны праволы удостоверения“ но кин луэмзэ возматйсь удостоверения бастэ.

Асьме удмуртысь котыкуд избиратель кык бюллетень бастэ—райсоветэ, горсоветэ яке сельсоветэ но райсоветэ, яке поселковой советэ но райсоветэ. Мукет куд-ог интыосын избиратель вить оюллетень бастэоз. Кылсярысь, Москва городын одйг бюллетеньн областной Советэ депутатэ кандидат'ёслэн списоксы луоз, кыктэтйяз—Моссоветэ, куиньметйяз—районной Советэ выдвинуть карем кандидат'ёслэн списоксы. Вить бюллетень бастэозы, кыл-

сярысь, Корякской национальной округысь избиратель. Одйг бюллетеньн Хабаровской краевой Советэ депутатэ кандидат'ёслэн списоксы пыртэмьн луоз, кыктэтйяз—Камчатской областной Советэ депутатэ кандидат'ёслэн списоксы, куиньметйяз—Корякской окружной Советэ депутатэ кандидат'ёслэн списоксы, нылетйяз—районной Советэ депутатэ кандидат'ёслэн списоксы но витетйяз—сельской яке поселковой Советэ депутатэ кандидат'ёслэн списоксы.

Бюллетеньёс пёртэмьсь луозы: сельской, поселковой но городской Совет'ёсы быр'ён'я—тоды, районной Советэ быр'ён'я—Зарыт чагыр, окружной Советэ быр'ён'я (административной но национальной округ'ёсын)—горд.

Бюллетень бастыса, бюллетенез заполнять карны вис'ям комнатаын избиратель котыкуд бюллетенез со кандидатлэсь фамилиязэ кельтэ кин понна голосовать каре, мукет'ёссэ чушылэ, зачеркивать каре. Собере избиратель участковой избирательной комиссилэн комнатаяз выже но бюллетеньёсты урнае лэзе.

Интыысь Совет'ёсы быр'ён дыр'я избирательной конверт'ёс уз луэ. Ортчем быр'ён'ёслэн опытысь тодмо ини, что голосованилэн тайнаез со бордын луэ, что избиратель'ёс бюллетеньёсты нимаз комнатаын заполнять каро. Отын голосовать карон дыр'я нокин но уг луэ, ачиз избиратель сяна. Избиратель ачиз ик бюллетеньёссэ избирательной урнае но лэзе.

Дышетскымтээннызы но сёсыреннызы огназы бюллетенез заполнять карны быгатйсьтэм избиратель'ёс асьсэлы юрттыны кинэ мылзы потэ сое отыны быгато комнатае, кытын бюллетеньёсты заполнять каро.

### 1940 арлы призывлы дасяськон

Рабоче-Крестьянской Красной Армии виль пополнение дасян, ответственнй уж луэ. Районмы вуоно арын приыв ортчытыны дасяськон борды умой оз на кутски.

Осавиахимлэн райсоветэз али 1920 арын вордскем допризывник'ёсын дас нунал'ем курс ортчытйз. Татын вал 50 муртлэсь но трос допризывник'ёс. Дас нунал курс ортчытыса бадзым уж лэстэмьн.

Допризывник'ёслы кык час поллит заятие вал, татын Молотов эшлэсь СССР-лэн внешней политикаез сярысь докладзэ изучать каремьн. ГСО значоклы норма сдать каронэн врач Ключев эш лекциосэ валамон лэстэйлз. Допризывник'ёс лекциез внимательно кылзисы. Допризывник'ёс соку ик ГСО значоклы ог 70 процентэз „отлично“ сдать каризы но соку ик значок'ёс но сётылэмьн.

Допризывник'ёсын курс орчтэтэмлэн тырмытэ интыосыз но вань. Курс орчыку борд газет оз поттылйськы, курсэз „отлично“ отметкаосын быдтон понна соревноваться кариськон ой вал. Допри-

зывник'ёс Чем дыр'я преподаватель'ёстэк асьсэ понна заниматься кариськоно луылзисы. Куд-ог преподаватель'ёс лекция лэстыны дасяськылытэк ветыллзисы. Учебной пунктлэн начальниез Лукинных эш ачиз но лекция дасяськылытэк лэстэйлзисы.

Осавиахимлэн райсоветэзлы азыланяз таёе тырмытэ уж'ёсты лэдэ бастэно, та факт'ёсты өвёл допускать кароно.

Допризывник'ёсты кулэ шонер учет улэ бастыны, кулэ соос полын паськытатыны политико-воспитательной ужез. Вань допризывник'ёсты кысконо оборонной кружок'ёсы, чтобы соослэн мед луоз котыкудйзлэн ныль оборонной значок'ёссы.

Малограмотной допризывник'ёс трос на, соосты кысконо дышетскыны школаосы. 1940 арын Рабоче-Крестьянской Красной Армии лэн радаз сётоно военной техникаез тодысь егит боец'ёсты. Та понна али кулэ ни ужаны, партийной но комсомольской организацияослы та уж борды по-большевистски кутсконо.

С. Нагвицын, И. Смирнов.

### ФИНЛЯНДСКОЙ ВОЕНЩИНАЛЭН НАГЛОЙ ПРОВОКАЦИЕЗ

Ленинград, 26 ноябре (ТАСС). Ленинградской округлэн штабезлэн ивортэмез'я, 26 ноябре лас вить час но ныльдон вить минут дыре, Мианиллэн северо-запад паластыз ог километр улсысь асьмелэн войскаосмы, виентэм шорысь куткыса финской территориись артиллерияен ыбылэмьн вал. Фин'ёсын ваньмыз сизым пол ыбемын. Куинь красноармеец'ёс но одйг младшой командир бырыны но сизым крас-

ноармеец'ёс, одйг младшой командир но одйг младшой лейтенант сёсырмыны шедемын. Интыязы эскерыны понна отчы ыстэмьн округлэн штабезлэн нырысетй отделэзлэн начальниез полковник Тихомиров эш.

Та провокация фин'ёсын артиллерийской налет лэстэм районн расположиться карем воинской частьёсын туж бадзым возмущение кылдытйз.

### Советской правительстволэсь нотаэз зэчкыласьком

28 ноябре жыт М-Пурга селоысь рабочийёслэн, служащйёслэн но колхозник'ёслэн ог 300 мурт'ем митингзы ортчиз. Митичгын вераськиз Наговицын эш. Финляндской военщинаялэн наглой провокациез но Советской правительстволэн солы пумит нотаэз сярысь вераськем бере огкылысь резолюция кутйзы.

—Ми, рабочийёс, служащйёс но колхозник'ёс, еще но юн сплотиться кариськомы асьмелэн большевистской партимы но калыклэн великой вождез, дышетйсьез Сталин эш котыре. Советской Союзлэсь мирной политиказэ быдэс мирын обеспечить карыны понна ми ваньмы султотомы война жутйсьсёслы пумит.

Ми но СССР-ысь вань трудящойся калык зэч тодыськом, что финской военщина советской трудовой калыкез финской калыкен ваче войнае провоцировать карыны тырше, западной граница бордысен Уралозь советской муз'емез бастыны малпа. Имперализмлэн бешенной наемник'ёсызлы уз кылды Уральной хребетэз, Енисей но Обь шур'ёсты адзыны. Финской трудящойёс котыку но советской калыклэн другеныз

вал но луозы. Финской буржуазиялы дуно усёз аслаз нуэм провокациез. Японской самурайёс сямен ик пазыгемьн луозы соос. Ми котыку дас асьмелэсь сяськаяськысь необятной родинамес возманы.

Ми, социалистической строительстволэн мирной фронтэз ужасьёс, финской военщинаялэн провокациезлы пумит вань производственной уж'ёсты, государство азын сыйлсь обязательствоосты дырызлэсь азыло быдэстыса ответ сётном, еще зол юнматом коммунист'ёслэсь но беспартийной большевик'ёслэсь Сталинской блокэс но районмысь вань трудящойёсты сёбрамы отйськом.

Дано мед луоз славной, непобедимой, сёкыт зибет улысь калыкез мозмытысь Рабоче-Крестьянской Красной Армия но солэн славной руководителез К. Е. Ворошилов!

Дано мед луоз коммунистической партия но солэн вождез Сталин эш!

Дано мед луоз Советской правительстволэн последовательной мирной политикаез!

Редактор—Г. М. Иванов.

Поттысь—РАЙСПОЛКОМ.

### „У Д А Р Н И К“ ГАЗЕТЛЫ ГОЖКЫНЫ ЭН ВУНЭТЭ

1940 аре газетэз вискарытэк бастон понна али ик гожкыны кулэ. Гожкыны почтовой отделениосын, агентствоосын но колхоз'ёсысь письмоносец'ёс дорын луэ.

ГАЗЕТЛЭН ДУНЫЗ: арлы—6 ман., 6 толэзлы—3 ман. 1 толэзлы—50 коп.

### Я л о н

Газетлы гожкысьёс! 1940 арлы газетлы гожкочлэн срок'ёсыз котыкуд толэзе центральнойёсызлы 18 числоозь, республиканской'ёсызлы 26 числоозь.

Жоген! 1940 арлы подписной кампания кутскоз, эн вунэтэ газетлы но журналлы гожкыны.

Союзпечать